

# ZE BARRI

2009ko NEGUA

ETXEBARRIKO EUSKALTEGIKO IKASLEEK EGINA



1509 - 2009

**badoa 500. urteurrena**

ETA GAINERA...

- ♦ BOGAKO NAZIOARTEKO GELA
- ♦ GABONAK IKASLEEN BEGIETATIK
- ♦ UMEEN TXOKOA ...ETA ABAR



**ULIBARRI**  
EUSKALTEGIA



Bizkaiko Foru Aldundia  
Diputación Foral de Bizkaia  
Kultura Saila  
Departamento de Cultura



# ETXEBARRI ZAHARTZEN ARI ZAIGU

**G**ure herriak 500 urte bete dituen arren, zahartu baino gazte-gazte dago oraindik. 2009. urtea oso berezia izan da Etxebarri bere urteurrena ospatu duelako.

Aldaketa ugari izan ditu eta atzera begiratzen badugu konturatuko gara ez daukala lehengo herriarekin zerikusirik handirik.

Duela 500 urte, hau da, 1509an Etxebarri Gangurengo Santa Mariaren elizatearen menpe zegoen. Urte horretan Galdakaotik banatzea lortu zuen eta XVI. mendean Kukullagan zegoen Etxebarriko San Esteban elizatea sortu zen. 1704. urtean herritik barreiatutako baserrietan bizi ziren 100 izatetik 9.000 biztanle baino gehiago izatera pasa gara. Baina Zebbarri honetako 4.

orrialdeko artikuluan hitz egingo dugu horretaz.

Landa-eremu izatetik herri industrializatua izatera pasatu da bere kokapen estrategikoagatik, Bilbotik oso hurbil baitago.

Parke eta zonalde berde asko sortu dituzte herritarrok goza ditzagun eta...nork esango! Metroa ere ailegatu da Etxebarrira! Gaur egun, etxebizitza berriak eraiki dituzte eta horregatik kanpoko pertsona ugari etorri dira hona bizitzera. Horren guztiaren ondorioz, herriaren ekonomia ere nabarmen hobetu da.


Urte hauetan izan ditugun aldaketak ospatzeko Udalak hainbat ekintza antolatu ditu:



Bisitaldi antzeztuetako bat egin zuen jendea, Zintururin.


Aurreko urteetan bezala aurten ere Erdi Aroko Azoka egin da. Azoka horren helburua Etxebarri sortu zen garaira bueltatzea da eta horrekin batera garaiko ohiturak, janariak eta abar ezagutaraztea. Hala ere, aurten ezberdina izan da; izan ere, garai hartako jantzi bereziak egiteko tailerra prestatu baita nork bere jantzia josteko eta bakoitzak egindako jantziarekin joan zedin azokara.





Proiekzioak elizan.

Argazkia Alberto Rodrigorena da




Horretaz gain, bisitaldi anitz egin dira, bizikletaz, autobusez eta oinez Etxebarriko biztanleek beren herria ezagut zezaten. Bisitaldi horien bidez inguratzen gaituzten txokoei erreparatu diegu, haien artean elizaren inguruak eta eliza bera. Elizan ere, ikus entzunezko ekitaldi bat gauzatu zuten. Eraikina hainbat koloretako fokuekin argiztatu zuten eta irudi zaharrak proiektatu zituzten.

Beste ekintzen artean oso deigarria izan zen errekorren Guinness liburuan sartzeko egin genuen ahalegina. Pertsonaz osatutako ehunzangorik luzeena egitea zen asmoa baina gutxigatik ez genuen lortu.

Ospakizunen urte hau amaitzen ari zaigu eta itxaron beharko ditugu beste milurteko erdi bat beste urteurren bat ospatzeko.

Gugatik balitz, 501. urteurrena ere gustura ospatuko genuke.





Guinness errekorra lortzeko ahalegina, epailearen begiradapean.

# BAZEN BEHIN...

Herri ñimiño bat, Nerbioi ibaiaren parean zegoena. Bertan etxe gehiago zeuden pisuak baino eta auzokide guztiak elkar ezagutzen zuten. Haur guztiak frontoian pilatzen ziren, pilotan edo futboleant jolasteko. Herri lasaia zen, kanpotar gutxi etortzen ziren... Etxebarri buruz ari gara 1990. urtean.

Ondoko hirietan, Basaurin eta Bilbon, jende gehiegi zegoen eta eremu berderik ez. Jendea leku atsegin baten bila ari zen, hiriko eromenetik ihes egiteko. Etxebarri Bilbo eta Basauri artean zegoen paradisu bat zen eta horregatik jendeak herri hau aukeratu zuen. 1995.ean 6.505 pertsona bizi ziren Etxebarrin, eta 2009an 9.013! Beraz, azkeneko 14 urtetan biztanleria %50 handitu da. Polikiroldegi berriak frontoiaren papera hartu du eta pisuek baserrien lekua. Hala ere, nahiz eta etorkinak asko izan, eremu berdeak mantentzen dira eta baita lasaitasuna ere. Zorionez!



2000 hamarkadan garraioak asko hobetu dute Etxebarrin. Adibidez, Eusko-Treko geltoki berria eraiki dute, metroa iritsi da eta berarekin Basaurira joateko "lanzadera". Gainera Etxebarribus jaio da San Antonio eta San Esteban lotzeko. Honi guztiari gehitzen badiogu etxebizitzaren salneurria merkeagoa dela, gazte askok gure herrira etorri nahi dute.



Gure klasean, gehienak kanpotarrak gara, baina herria zaintzen ikasi dugu eta bilatzen genuen bizi-kalitatea aurkitu dugu. Hala ere, etorkizunari begira, badirudi populazioak oraindik gehiago gora egingo duela. Izan ere, geroz eta etxebizitza gehiago eraikitzen ari dira. Horretaz gain, Etxebarrin Bizkaiko haur-kontzentrazio handiena dagoenez, udalak haur-eskola berri bat eraiki du. Beraz, hau guztia ikusita, esan dezakegu Etxebarriko etorkizuna oparoa izaten jarraituko duela.





# gabonak ikasleen begietatik



Gabonak umeentzakoak dira? Noski ere!

Zenbat eta adituagoak izan, hainbat eta galduago dugu Gabonetako magia.

Nire gogorapen politenak haurtzaroan zeuden. Esate baterako, gure etxean, txikitan, beti lehengusinarekin eta bere gurasoekin egoten ginen. Eta Gabon Gavean jolasten genuen "Un, dos, tres" saioan bezala.

Bildu ginen Gaboneko zuhaitzaren inguruan eta batek egiten zuen aurkezlearena eta beste batzuk, partaideak izan ginen. Horrela egoten ginen gau osoan lo hartu genuen artean. Urteak igaro dira, hori guztia galdu da; horrexegatik itxaroten dugu umeak berriro gure etxera agertzean.

Ene umeek ematen diete bizi za Gabonei!!

Noelia

Gure herrian urtero, udalak ekitaldi asko antolatzen ditu umeentzat.


Beti Olentzeroren desfile batekin hasten da abenduaren 24a, goizez.

Gero astean beti jolasak eta puzgarriak daude frontoi barruan.

Bukaeran urtarilaren 5ean arratsaldean Erregeen kabalgata bat dago.

Errege bakoitza kamioaren gainean doa, gozokiak botatzen dizkie umei.

Iñaki



Gabonak gustatzen zaizkit eta uste dut mundu guztiari, familiarekin pasatzea, lagunekin egotea,

Olentzeroren eta erregeen opariak hartzea, kaleak apaintzen dituen argi guztiak ikustea,

...Gure herrian erregeen kabalgata egiten da, baita ere Olentzero kaletik irteten da, umeak ikusteko.

Txikitan, gaur baino gehiago gustatzen zitzaizkidan gabonak, baina oraindik ez dut poza galdu.

Yaiza

Txikia nintzenean abenduaren 24an oso urduri ibiltzen nintzen egun osoan

eta 24aren gabean ezin izaten nuen lorik egin, Olentzero zetorrelako.

Normalean, goizeko 6etan altxatzen nintzen opari guztiak zabaltzeko eta jostailuekin jolasteko.

Txikitan, asko gustatzen zitzaizkidan gabonak, baina gaur egun beste begiekin ikusten ditut.

Adrian